

Europâ es, qui solidè tractas Rem herbariam et obscuras antèa, ab orbe condito, illustras plantas, dumque alii Botanici dormiunt, tu solus vigilas. Horreant profectò omnes nostrates, qui audiverunt te non nisi 600 libris stipendio frui, quem tamen omnes agnoscimus esse Summum Medicum, inter omnes hodiè in Europâ Professores Primum à morte Boerhaavi, et Botanicum consummatissimum, expulsus à cathedrâ Botanicâ, inque tuum locum juvenem adoptatum! Si Reaumurium et te omittant Galli, certè tenebræ vestram regionem non minùs obscurabunt quàm ullam hodiè aliam, et serò dolerunt quæ restitui nequeunt. O bone Deus! si verum est, uti in æternum verum erit, quod medicina innitatur duobus pedibus, cognitione morborum et medicamentorum; si etiam verum est, quod ipsa invidia concedat, quod tu solus morborum cognitionem primus denudâsti, utique, et tibi soli debetur alterum fundamentum medicinæ: si enim cognitio medicamentorum innitatur cognitione plantarum, à quâ prima et præstantissima medicamina desumuntur, et si tibi debeam ego et omnes, rariorum plantarum Galliarum cognitionem, utique et in his magnus eris! Sed nullus propheta in patriâ. *Felicis agricolæ, bona si sua nôrint!*

Ardentissimè exopto videre Acta Parisina et in